

285

Quam

13

Collegio Juridico.

Sub

PRÆSIDIO

*VIRI*

DN. GOTTFRIEDT SVEVI

Scabinatus & Facultatis Inridicæ Affectoris gravissimi,

Patroni, Præceptoris & Hospitis sui ætatem

venerandi

CHRISTOPHORUS Kundenreich

- Colberg. Pomer.

In Auditorio 7 Crorum

ad diem 5 Januarij.

WITTEBERGÆ

Charactere JOHANNIS RÖHNERI, | Acad. Typogr.

ANNO 1648.

V I R I S

*Prudentissimo, Spectatissimo & Integerrimo*

DN. CHRISTOPHORO Kundenreich/Reipubl:  
Patriz Senatori,

DN. EBERHARDO Kundenreich/  
DN. LUCÆ Kundenreich/  
DN. LUDOVICO Kundenreich/

Reipubl: Patriz Ci-  
vibus & Nego-  
tiatoribus.

*Hanc Disputationem Juridicam  
In testimonium*

Erga Dn. Parentem filialis observantia  
& gratitudinis,

Fratrem fraterni amoris,  
Agnatos debiti honoris & favoris

*Exhibet & inscribit*

Christophorus Kundenreich  
Auth. & Respond.

EMPTIONE-VENDI-  
TIONE.

## Thesis I.

**E**MPTIO (a) VENDITIO (b) est Con-  
tractus (c) solô Consensu (d) initus de  
re (e) Emptori (f) pro certô pretiô (g) tra-  
denda. (h)

(a) Quam deducimus ab *Emptio* meum: quia in ea id agitur,  
ut res fiat Emptoris *Wesemb. Instit. ad rubr. hujus tit. Forster. disp.*  
*18. eb. 1.* & accipimus pro eâ alienatione, quâ fit propter pre-  
tium; secus ac Lex XII. Tab. quâ emptionis verbô omnem alie-  
nationem complectitur *l. 29. de stat. lib.* unde & hunc contra-  
ctum dignum censuit, sub cuius, ut iustissimi nomine omnis  
ferè solennis familiarum mutatio & translatio, licet saltem  
imaginariô modô celebraretur *Wesemb. de contr. empt. n. 1.*  
*Hanon, lib. 1. disp. 16. thes. 1.* (b) à venundo, vel venundo: factô  
enim venditoris res venit, & transfertur in alium. Rectè au-  
tem hic contractus duobus diversis nominibus insignitur, cum  
videamus in eô concurrere dua personarum earumdemq; mutua  
facta: Emptoris Ementis, Venditoris vendentis. Quin tamen  
nonnunquam alterum nomen pro utroque, ita ut Emptio,  
itemq; venditio seorsim posita, pro totô contractû & negotio,  
quod ab Emptore & venditore peragitur, accipitur, non dis-  
sitemur, sed cum *l. 19. de action. Empt.* asserimus. (c) Quô ob ejus  
frequentiâ & æquabilitatem nullus nobilior est: in causâ qu-  
sâ autem Nummus est, qui ex quô esse cœpit, & difficultas in-  
permutationibus est sublata, & rei cum pretio æqualitas in-

producta. Nummus enim est quasi mensura & ponderatio, quæ pro rerum varietate & augeri & minui potest. *Id. l. 1. de Contr. Empt. (d)* in aliis quidem contractibus etiam requiritur consensus, sed tantum ut materiale, neq; solus; quia præter eum desideratur, vel rei traditio vel solennitas verborum, vel Scriptura: In hoc vero sicut in aliis contractibus consensualibus requiritur tanquam formale. Et licet etiam consensus, qui utrinq; debet intercedere versatur circa rem & pretium, solus tamen perficit contractum: hinc est, quod Emptio & venditio sit contracta, dummodo de pretio conventum, licet non sit solutum *princ. Inst. b. t.* pari ratione re non traditâ, Emptio Venditio nihilominus consistit. *(e)* Objectum hujus contractus est res seu merx à parte venditoris. *(f)* Subjectum sunt personæ contrahentes Emptor & venditor. *(g)* Objectum à parte Emptoris est pretium. *(b)* Obligatur ex contractu venditor ad rem tradendam: Emptor ad pretium solvendum. De singulis singulatim infra.

Th. II.

Cum Consensum ante omnia in Emptione-venditione requiramus, repellimus eos, qui consentire *(a)* non possunt. Quamquam etiam speciali ratione Emptionem legibus quidam *(b)* prohibeantur contrahere.

*(a)* Quo loco habemus furiosos §. 8. *I. de inutil. stipul. infantes §. 10. cod. Pupillos*: quamvis is qui ab iis emit ipsis obligetur §. 9. *cod. princ. I. de auctor. tutor. l. 7. §. 1. de rescind. vendit.* Prodigis quibus bonis interdictum; horum enim instar furiosorum nulla voluntas est *l. 40. de R. I. l. 6. de V. O. minores 25. annis in cura constituti*, qui sine Curatorum Consensu res suas alienare non possunt: Secus si fiat alienatio ipso jure est nulla *l. 3. C. de integr. restit. (b)* Sic inter patrem & filium propter jus patriæ potestatis §. 6. *I. de mutil. stipul. nisi de rebus castrensibus*



990  
sibus l. 2. de Contr. Empt. Advocatum & Clientem durante lite  
l. 6. §. 2. C. de postul. Medicum & Ægrotum tempore morbi l. 3. de  
Extraord. Cognit. Emptio-Venditio iniri non potest. Specia-  
li quoq; ratione exercere commercia prohibentur NOBILES,  
ditiores & potentiores, ut scil. inter plebejos & negotiatores  
facilius sit emendi vendendiq; commercium l. 3. C. de com-  
merc. & nē perniciosæ negotiationes & monopolia ab iis  
propter potentiam & divitias facile procedant. Scotan. Exam.  
Jurid. addit. tit. Nolden de statu nob. cap. 22. n. 93. & seqq. qui pri-  
vilegia nobilitatis per mercaturam ut per actum contrarium  
& non correspondentem nobilitati eos amittere asserit. Ta-  
lem verò mercaturam intelligit, quā comparant & revendunt,  
non quā distrahunt fructus superfluos ib. n. 99.

Th. III.

Nemo alterius (a) nomine emere potest  
nisi sit Procurator. (b)

(a) Si enim ejusmodi Emptio contracta fuerit, vel res  
nondum est tradita emptori: Et contractus est nullus, neque  
enim actio acquisita est ei, cujus nomine emptum, quia alte-  
rius nomine emi non potest l. 73. §. ult. de R. I. neq; Emptori:  
quia sibi emere noluit: l. 6. C. Si quis alteri vel sibi sub alter.  
nom. &c. Vel est tradita: atq; ita dominium ipsi acquiritur,  
dicta l. 6. Cujac. π. C. ad ff. Si quis alteri &c. Quod eò magis obti-  
net, si quis alterius nomine suā pecuniā emerit, tunc enim &  
actionem empti, & dominium tradita re sibi acquirit l. 5. & 6.  
eod. Quin imò si quis sibi & tertio emerit, ementi acquiritur  
actio & dominium, & id non ex parte, sed in solidum l. 64. de  
contrab. empt. Si enim in parte consisteret saltem venditio,  
venditor invitus cogeretur esse in communione, quod fieri  
non debet l. 26. §. 4. de condit. indeb. (b) Et tunc non aliter age-  
re possumus, si sui juris sit, nisi ab eo nobis cedatur actio. Si  
verò in nostrā potestate, nobis directio actio ex empto com-  
petit l. 7. eod.

In Consensu (a) requiritur, ut sit liber (b) perspicuus & clarus (c) ultimó confertur in præsens (d).

(a) de eò vide, quæ diximus supra *th. I. lit. d.* (b) Invitus enim nemo comparare & distrahere cogitur *l. 11. C. de contr. empt.* nisi quibusdam casibus, ut si quis testamento emere & vendere jubeatur *l. 66. de legat. 1.* vel ratione communionis *l. 13. §. 17. de action. empt.* vel ut publicæ imediæ consulatur *l. 1. §. 11. de de offic. præf. urbi.* vide plures casus apud Hanon. *l. 1. disp. Jur. 16. th. 5.* (c) Alioquin enim contra venditorem fit interpretatio, quia in ejus potestate fuit, legem apertius contractui dicere *l. 39. de pactis l. 172. de R. I. Hanon. dict. disp. th. 4.* (d) Nuda enim promissio de emptione juncundâ contractus non est *arg. l. 55. de O. & A.*

Consensus ille determinetur ad certam mercem (a) Hæc autem sit in commercio (b) neque aliàs specialiter (c) legibus prohibeatur alinari.

(a) Mercem, quæ ita dicta, quod mereat pretium, latius aliquantò pro re quacunq; venali, sive mobilis sit, sive immobilis accipimus, secus *ac l. 66. de P. S.* Error autem, qui committitur circa mercem, distinguitur, vel enim est in corpore seu specie quadam certâ: vel in materiâ seu substantiâ ingeneri. Si in corpore: ut si ego Servum Stichum me emere putem, tu Sempronium re vendere, Emptio nulla est *l. 9. de contr. empt.* Si in materiâ: iterum distinctio adhibenda; vel enim in totâ materiâ erratur v. c. Si æs veneat pro auro, emptio iudem est nulla *d. l. 9. §. 2.* & pecunia eò nomine datâ condicatur *l. 41. §. 1. eod.* vel in parte materiæ, ut si inauratum veneat pro auro, valet emptio *l. 14. eod.* Tenebitur tamen venditor cate-

nus,

ritus, quatenus interest, deceptum non esse emptorem *l. 21. §. 2. de alt. empt. Sutholt diff. 15. aph. 7. Vide Excellentissimi & Consul-  
tissimi Domini Præsidis, Patroni, Præceptoris & Hospitis mei statim  
venerandi velitar. Justinian. 13. th. 3. lit. d. Wesch. ꝑ. de contr. empt.  
n. 6. :b)* In Commercio illa res est, quam quis habere vel  
possidere vel persequi potest *l. 34. §. 1. b. r.* Sive sit corpora-  
lis, ut fundus, aurum &c. Sive incorporalis, eaq; vel univer-  
salis, ut hereditas *tot. tit. de hered. & alt. vend.* vel particularis,  
ut nomen aliquod & Actio *d. tit. D. & C.* Sive propria sit, non  
quidem emptoris, quia res quæ jam ejus est, magis ejus fieri  
nequit: *§. 14. l. de action. l. 16 b. r.* nisi sub conditione ematur  
quia fortè speratur emptoris esse desinere *l. 61. b. r.* vel redima-  
tur possessio rei, quæ est penes venditorem *l. 34. §. 4. b. r.* Sed  
vendiditoris; sive aliena *l. 28. b. r.* Consistit enim talis con-  
tractus: aut enim emit quis bonâ fide rem alienam, & re ablatâ  
â Dominò venditor tenetur de Evictione; aut malâ fide, & li-  
cet res evicta fuerit, pretium repetere non potest *l. 27. cod. Be-  
rens disp. 11. them. 1. quest. 4.* Sive sit præfens, sive futura v. c. fœ-  
tus pecorum &c. & tunc si quis fœtus editus fuerit, cum con-  
tractum esset negotium, venditio facta intelligitur; *l. 8. pr. cod.*  
Quod si etiam jactus aleæ, captus piscium, vel avium, vel mis-  
silium ematur, valet emptio, etiam si nihil inciderit, quia spei  
emptio est *d. l. 8. §. 1.* Quibus positis ab emptione excludimus  
res, quæ planè commercii hominum exemptæ, quales sunt:  
Sacræ: nisi tribus ex causis, ut pro redemptione captivorum  
*§. 8. f. de R. D. pro alimentis pauperum l. 21. C. de SS. Eccles.* pro  
solutione æris alieni Ecclesiæ *Auth. Præterea si habeat C. cod.*  
Religiosæ, Sanctæ *§. 7. f. de R. D. l. 6. pr. b. r.* Publicæ itidem  
& universitatis *l. 51. b. r.* Liber homo: Patri tamen vigere pa-  
triæ potestatis jus vendendi liberos ob nimiam egestatem  
competere asserimus; quæ tamen venditio saltem censetur  
esse facta in vim oppignationis sub spe redimendi *l. fin. C. de  
patrib. qui fil. suos distr. Excellentissimus Dominus Præfis vel it 3.  
th. 2. Cujac. ꝑ. ch. 1.* Si ergo de illiusmodi re non venali ven-  
ditio contracta fuerit, vel uterq; scivit qualitatem rei, & em-  
ptio est nulla *d. l. 6. pr. l. 70. b. r.* vel uterq; ignoravit, & eò casu  
vendi

venditor exceptione justæ ignorantia defenditur, restitutoque  
 pretio, quod accepit, liberatur. Vel altero ignorante, alter sci-  
 vit: Et tunc si solus emptor sciverit, emptio nulla est; Si ven-  
 ditor solus, actione ex empto ad interesse convenitur, & cate-  
 nus hæc emptio valet §. ult. *I. b. r. l. 62. §. 1. cod.* (c) Speciali ra-  
 tione vendere prohibetur Emphyteuta jus Emphyteuticum,  
 nisi consensus Domini accedat, *juxta l. 3. C. de jure Emphyt.* Va-  
 callus Feudum sine permissione Domini, ad quem illud spe-  
 rat *c. un. F. de prohib. Feud. alien. per Frider.* Tutor curatorve  
 pupilli, minorisve mobilia pretiosa & immobilia omnia sine  
 inquisitione Judicis & probatione causæ, interpositioneque  
 decreti *l. 22. C. de administ. tutor.* Sic Ecclesiasticarum rerum  
 alienatio sine legitimo Ecclesiasticarum personarum assensu  
 non procedit *c. ult. ext. de rebus Eccles. alien.* Sic marito inter-  
 dicta rerum dotalium alienatio §. 1. *Quib. alien. non lic.* Contro-  
 vertentibus rei litigiosæ *tot. tit. C. de litigios.* Quo referre li-  
 cet arma Reipubl. hostibus, venena civibus alienari prohibi-  
 ta *l. 35. §. 2. b. r. vide Penliche Gerichtsordnung Caroli V. artic. 37.*  
 §. ult. Quandoq; etiam à Magistratu Civibus interdici po-  
 test de frumento non evehendo, si fortè obsidionis metus, vel  
 annonæ caritas illud postulet.

#### Th. VI.

E Substantialibus (a) Emptionis-Vendi-  
 tionis superest dispiciendum Pretium (b)  
 cujus requisita sunt, esse certum (c) consilte-  
 re in pecuniâ (d) numeratâ, tandem esse  
 justum (e).

(a) Tria enumerantur substantialia hujus Contractus,  
 quorum duo priora consensum scilicet & mercem quia vidimus,  
 ad pretium nos convertimus. (b) ita dictum quasi Peritium  
 (ubi placet Varroni) quod statuatur non ab unoquoq; prohi-  
 bitum, sed ab illis qui istarum rerum peritiam habent (c) §. 1. *J.*  
*b. r.* alioquin enim negotium erit imperfectum, si emere vo-  
 lenti



ſenti venditor dicat: Quanti velis, æſtimaveris, æquum pu-  
ta veris, habebis emptum *l. 5. §. 1. b. s.* Certum verò pretium  
eſt, cujus quantitas certa eſt definita vel per ſe & ſimpliciter,  
vel demonstratione aut relatione facta ad aliud, veluti ad  
quantitatem antea determinatam, quanti tu emiſti; vel in lo-  
co, certò exiſtentem v. g. quantum pecunie in arca habet *l. 7.  
§. 1. l. 37. b. t. Hanon. d. d. a. diſp. ch. 8.* Licet præterea pretium  
referre in tertij alicujus arbitrium & æſtimationem, & vendi-  
tio talis, velut ſub conditione facta ſuſſinetur. Arbitr enim  
ille nominatim electus vel definit pretium vel non definit. Si  
definit tunc illud vel æquum eſt, & arbitrio ejus ſtar dum, em-  
ptioq; erit perfecta: Si verò immodicum vel iniquum, ad ar-  
bitrium boni viri redigendum. Contrahentes enim, dum  
pretium in alterius tertij arbitrium conferunt, ejus placitum  
tanquam boni alicujus & æqui viri elegiſſe præſumuntur, *l. 76.  
& ſeqq. pro Socio l. 24. Locati.* Si non definiat, velut conditione  
deficiente, venditio nullius erit momenti, nec ad alicujus  
arbitrium perro recurrendum *§. 1. b. t. l. 43. de V. O.* (d) ne  
videlicet fiat confuſio contractuum venditionis & permuta-  
tionis *§. 2. l. b. t.* Sed ſi à parte emptoris & pecunia & ſpecies  
datur venditori, quæritur, ſitne emptio, an permutatio? Quæ-  
ſtio deciditur ex cò, quod principaliter inter contrahentes eſt  
actum. Vel enim primò inter eos convenit, ut pecunia de-  
tur pro merce; & erit emptio, etiam ſi res prævaleat pecunia,  
quæ ſimul datur; vel ut res cum re permutetur: & erit per-  
mutatio, licet ex poſt facto unà data fuerit pecunia *c. ad qua-  
ſſiones. Extra de Ren. permut.* Si verò non conſtat quid prin-  
cipaliter ſit actum, tunc à potiori ſit denominatio, adeoque ſi  
prævalet pecunia rei ſimul datæ, erit emptio: Si res pecuniæ,  
erit permutatio *arg. l. 10. de ſtat. hom.* Quod ſi neq; de præva-  
lentia conſtat, permutationis contractus intelligitur. Quo-  
ries enim de nomine alicujus contractus ambigitur, præſumi-  
tur eſſe innominatus *l. 1. de æſtimat. act. Han. d. diſp. ch. 15* (e) Et  
ſi juſtitia commutativa & proportio arithmetica, quæ in con-  
tractibus obſervatur, etiam hic rei æquivalens pretium exi-  
gat; tamen propter hominum mores incorrigibiles dandum

297

aliquid vitiis humanis leges statuerunt, circumventionem in  
 fra dimidium pretij, non illam dolosam, quam in tantum  
 abesse volunt; ut si adsit, reddat emptionem nullam, siue latio  
 sit intra siue ultra dimidium *l. 5. C. de rescind. vend.* sed quæ  
 contingit sine animo fallendi, tolerandò. Tolerant, inquam,  
 non præcipiunt, non approbant, sed non puniunt, sed cuiusq;  
 conscientia relinquunt. Et hoc est, quod *Marian. in l. 16. §. pen.  
 de minor. & Paulus in l. 22. §. ult. locati.* dicit: In pretio emptio-  
 nis & venditionis licere contrahentibus se circumvenire na-  
 turaliter, i. e. Natura contrahentium est, ut velint in emendi  
 & vendendò aliquod lucrum facere, emptoris quidem vitii  
 comparandò, venditoris carius distrahendò *Gorhoffr. ad d. l. 16.  
 de minor.* Quam circumventionem commodè dixeris Pruden-  
 tiam quandam negotiativam, studiumq; aliquod rei familia-  
 ris augenda, *l. 8. C. de rescind. vend.* Circumscriptio autem ista  
 ex re ipsa & factò sine proposito fallendi contingit quandoq;  
 ex ignorantia, si venditor plus vel minus imponat, & emptor  
 plus vel minus solvat; quandoq; etiam ex scientia, ut si vendi-  
 tor majus pretium petat, & emptor minus offerat, non animò  
 decipiendi; sed ut illò remittente, hoc addente, paulatim ad  
 justum pretium consentiant. Quod si autem præter opinio-  
 nem emptor plus vel minus justò pretium venditori obtulerit  
 & solverit, latio ab alterutra parte inde oritur. *Dn. Franzkium  
 Exerc. II. Quest. 3. n. 10. 11. & seqq.* Quæ tamen latio si ultra  
 dimidium justij pretij fuerit, consistit quidem venditio, latio  
 tamen concessa est actio vel ad rescissionem Contractus ex. *l. 5.  
 C. de rescind. vend.* vel ad supplemētum præstandum ejus,  
 quanti tempore Contractus res venire potuit. *d. l. 2. l. 8. C. cod.  
 c. 3. X. de empt. & vendit.* ex quo capite patet, circumventio-  
 nem infra dimidium quoq; de Jure Canonicò esse licitam.  
*Confer. Dn. Franzkium d. Quest. 3. Excell. Dn. Præsid. d. diff. 16. d.  
 Oldend. Class. 4. act. 1.* ubi inter alia vel ex hac ratione legit  
 circumscriptionem hanc admisisse dicit, quia si ob quamvis  
 inæqualitatem & lationem liceret revocare contractum, nul-  
 la ferè Emptio Venditio futura esset stabili & firma. *Aldem  
 Wesenb. de rescind. vend. n. 4.*

Quam primum Emptio-Vēditio perfecta,  
 (a) non licet ab ea discedere (b) ne quidem  
 cum Arrharum dispendio. (c) Periculum (d)  
 itidem & Commodum (e) statim spectat ad  
 Emptorem.

(a) Perficitur autem nullo consensu collato ad mercedem  
 & pretium, uti supra demonstravimus, licet postea complea-  
 tur ex parte venditoris rei traditione, & ex parte emptoris pre-  
 tij solutione. (b) Nisi recedatur utriusq; voluntate: sienti  
 enim consensu est contracta, ita contraria voluntate potest  
 dissolvi; idq; re adhuc integrā, i. e. neq; pretio soluto, neque  
 merce tradita, §. ult. l. quib. mod. toll. oblig. Alioquin enim so-  
 lus consensus non sufficit, sed insuper requiritur restitutio  
 mercis ab emptore, pretij a venditore l. a. C. Quando he. ab empt.  
 disced. Alterutri verò contrahentium illud non licet l. 3. C. de  
 res. ind. vend. ne quidem si duplum a venditore offeratur l. 6. eod.  
 (c) Quamvis scilicet emptor arrhis carere, & venditor duplicatas  
 reddere velit. Arrhæ enim dantur animo magis confirman-  
 di & astringendi contractum, non infirmandi. Neq; obstat  
 princ. huj. tit. illud enim loquitur de emptione perficienda in  
 literis. (d) Res vendita licet non tradita periculum perti-  
 net ad emptorem §. 3. l. b. t. Perfecit enim venditione em-  
 ptor quodcumq; vult rem petere & auferre potest; si itaq;  
 cessaverit, intereaq; res perierit, vel deterior facta fuerit, sibi  
 merito & sua morte, quæ alteri nocere non debet l. 34. de R. I.  
 imputare debet. Sunt tamen casus quibus de periculo rei  
 etiam venditor tenetur, ut i. Si moram fecerit in tradendo, aut  
 aliàs dolum & culpam circa rem commiserit l. 17. de peric. &  
 comm. rei vend. 2. Si pactio custodiam ejus usq; ad traditionem  
 suscepit §. 3. l. b. t. 3. Si non species certa, sed genus ali-  
 quod v. c. bos, equus vendatur. Emptori enim interitus, rei  
 aut certæ speciei nocet l. 14. §. 1. de peric. & comm. rei vend. ge-  
 nus

ius autem non interit. 4. Si res numero, mensura & pondere constantes venditæ fuerint: Harum enim rerum periculum ante adnumerationem, ponderationem, & admensuramentum respicit ad venditorem, quia his ita peractis, demum venditio perfecta dicitur; nisi in universum illæ res, quantæcunque fuerint, venierint, quo casu spectat ad emptorem periculum *l. 35. §. 3. de contr. empt.* 5. Si res vendantur degustationem exigentes, ante illam periculum sustinet venditor, quia tunc plenissime venditæ censeantur, quum fuerint degustatæ *l. 1. princ. de peric. & comm. rei vend. Vide Olded. d. Claß. 4. tit. 1.* Extra hos casus venditor rem amissam non præstat, sed, quia adhuc Dominus est, cedit emptori actiones: rei vindicationem, conditionem furtivam, actionem furti, *L. Aquiliz* iridem actionem, si res vendita sine dolo & culpa venditoris interierit, vel deterior facta fuerit *§. 3. l. 1. (c) d. §. 3. b. 1. 10. de R. I.* Commensum autem hoc constituit, vel in iis quæ rei venditæ accedunt *v. c. per alluvionem l. 7. de peric. & comm. rei vend.* vel in iis quæ ex renascuntur, ut sunt fructus arborum, fœtus animalium *l. pen. C. de act. empt.* vel iis, quæ occasione rei proveniunt, ut mercedes ex operis, vecturis, pensiones ex locatione *l. 13. §. 13. de act. empt.* Hereditate tamen venditæ, si unus heredum deficiat, ejus portio non accrescit emptori, sed venditori: quia in hac venditione inspicitur tempus contractus, *l. 1. §. 1. de hered. vel act. vend.* Neq; enim per istam venditionem Venditor desinit esse heres; Emptor verò neq; repudiandi conjunctus, neq; voluntate defuncti vocatus *Excell. Du. Preses d. velis. ib. §. Vngep. Exerc. 11. q. 3.*

Th. VIII.

Diversa est ratio Vëditionis, quæ in Scriptis (a) celebratur: In hac enim priusquam Scriptura omnibus numeris absoluta fuerit, tanquam imperfecta (b) impune (c) licet pœnitere. Conditionalis (d) iridem Venditio,



194  
ditio, antequam Condicio fuerit impleta,  
imperfecta (a) censetur.

(a) Puta si ab initio contrahentibus placuerit contra-  
ctum in scripturâ celebrari debere, nec antea emptionem vel  
de perfecta, priusquam instrumentum legitime confectum  
fuerit. Aliâs enim si ita non convenit, contractus erit com-  
pletus, licet scriptura imperfecta, ut quæ ex post factâ super-  
venit, nec facit ad perfectionem, sed ad probationem. (b) Em-  
ptio enim ista quodammodo sub conditione contracta cense-  
tur, ante cuius existentiam, h. e. antequam & concipiatur, &  
omnibus suis partibus ac requisitis absolvatur, non potest dici  
perfecta l. 17. C. de fide instrum. Ex eâ tamen non degenerat  
in literarum obligationem, quia nudus consensus scripturâ  
declaratus absolvit contractum, & scriptura non ex naturâ  
contractus, sed ex accidenti, pactâ scilicet intervenit. *Sutbolz diss.*  
*15. th. 9. Pac. anal. inst. ad pr. l. 1. c.* (c) nisi arrharum nomine ali-  
quid datum fuerit, qui tam emptor arrhas amittit, venditor  
autem duplum propter voluntatis mutationem restituere  
cogitur l. 1. 17. C. de fide instrum. Arrhæ autem hîc non sunt  
argumentum Emptionis - Venditionis contractæ, sed ad id  
dantur ab emptore, nè, dum tractat de re emendâ, quispiam  
eum prævertat (d) v. c. Si Stichus tibi intra certam diem pla-  
cuerit, erit tibi tota aureis emptus § 4. h. t. (e) l. 7. h. t. Cum itaq;  
ante conditionem existentem nulla potest ex venditione  
nasci obligatio l. 3. princ. de per. & comm. rei vend. periculum  
erit venditoris.

Th. IX.

Aliquando tamen etiam rescinditur ven-  
ditio perfecta, vel aliunde per Retractum.  
(a) sive Gentilium (b) ex jure sanguinis: si-  
ve alium ex aliâ causâ Vicinitatis scilicet & So-

B. 3

cietat-

cietatis: Vel ab ipsis Contrahentibus ex Pactis (c) conventis.

(a) Quamvis naturali libertate cuilibet in quemlibet res suas transferre licitum sit §. 40. l. de R. D. quia tamen quandoq; proximo nostro vel sanguine, vel habitatione, vel societate nonnunquam molestia; sæpè etiam damnum inde solet creari, merito illius Prælationis concessum, & Venditor rerum immobilium distractionem denunciare tenetur, quò, si velit, ipse extraneo emptori præferatur. Denuntiatione, autem istâ prætermisâ, procedere ad beneficium retractus, & oblatò pretiò quod solutum est, res istas sibi vindicare potest. *Vide Consil. Frider. de jure Proximos & ad illam Gorhofr.* (b) Præstat enim bona immobilia in familiis conservari. Jus autè illud competit propinquioribus consanguineis & ijs qui venditori sunt heredes futuri, arg. l. 14. C. de rei vindic. Proximioribus verò renuentibus admittuntur remotiores: modo veniant in tempore, siquidem petitioni, retractus proximitatis annò & die præscribitur teste *Wisenb. de res. vend. n. 1. & c. Titius lib. 2. F. §. 26. Si de studio defuncti concent. c. 1. §. porro 2. F. Qualit. olim pos. feud. alien.* (c) Qualia sunt: de Retrovendendo, Lex commissoria, & Addictio in diem, de singulis seorsum infra.

Tit. X.

Pactò de Retrovendendò Venditor sibi reservat Jus redimendi (a) Rem venditam (b) ab emptore (c) vel simpliciter omni tempore (d) quo ipse vel heres (e) voluerit, vel intra certum tempus.

(a) l. 2. C. de pact. int. empt. & vend. Datur autem venditori ex hoc pacto Actio directa ex vendito, si adjectum incontinenti: si ex intervallo, actio præscriptis verbis d. l. 2. Priusquam verò agit, necesse est, ut emptori offerat pretium, & quidem

totum



quæ graviora se non adstringeret? l. fin. C. de p. s. 7. pig. (c) i. e. potest agere venditor contra emptorem licet non interpellatus l. 4. §. 4. de lege commiss. ut venditio rescindatur, & res cum perceptis fructibus restituatur, simul etiam condemnetur ad id, si quâ deterior per eum facta d. l. 4. princ. Si verò prætermisâ commissoriâ petere pretium velit, id ei permissum, l. 3. d. l. 4. §. 2. cod. Electâ autem unâ illarum, variatio illi denegata d. l. 4. §. 2. l. pen. cod.

Th. XII.

Deniquè per Pactum Additionis in diem (a) Emptio-Venditio pura (b) si quâd amplius ab alio offeratur, rescinditur: & quæ est Conditionalis (c) perficitur, nisi intra certum tempus, melior conditio (d) superveniat. (e).

(a) Addicere est licitanti rem auferendam permittere, de d. d. l. (b) v. c. domus ista 1000. aureis tibi empta esto, cæ lege tamen, ut si spatiò 30. dierum meliorem conditionem quis offerat, liceat ab emptione recedere. Quæ venditio sicuti pura & perfecta est, ita omne periculum, lucrum & damnum interea temporis spectat ad emptorem l. 2. §. 1. de in diem addict. meliori autem conditione allata rem cum fructibus restituere venditori tenetur, qui etiam rursus refundit impensas, si quæ erogata fuerint l. 16. l. 6. b. t. (c) v. c. Si intra Calendas proximas mellor conditio non offeratur, emptio perficiatur: quo casu neque dominium rei, neq; periculus vel commodum pertinent ad emptorem, nisi elapsus sit dies neque melior conditio à quopiam oblata. (d) Quæ talis esse censetur, si pretio aliquid sit additum, si solutio offeratur facilior vel maturior, si locus oportunior solvendo pretia dicatur, & si generaliter quid accedat, quod ad utilitatem venditoris pertineat l. 4. §. ult. b. t. (e) Si superveniat, necesse est, ut emptori illâ denunciet, ut si velit, ipse quoq; quod aliud

adje-



adjecit, superaddat l. 7. §. 8. b. u. Si verò nolit, recedat ab  
emptione, & locus fiat posteriori emptori.

Th. XIII.

Hactenus dispeximus aliquantisper Em-  
ptionem Venditionem ex Pacto formatam:  
jam revertimur ad eandem, ut est simpli-  
citati & formæ propriæ relicta, & quæ 996  
superfunt Actiones inde descendentes con-  
siderabimus: Sunt autem Empti & Ven-  
diti, quarum utraq; Directa (a) & Bonæ  
Fidei (b).

(a) Quia per utramq; agitur ad id, de quò contractus est  
principaliter inritus *Surb. d. diff. 15. th. 25.* neque enim hic po-  
rior est causa emptoris, quam venditoris, vel contra *Cujac. w.*  
*C. de contr. empt.* Quibus nonnunquã intervenit damnum,  
usurarum, sumptuum, Evictionis præstatio (b) §. 28. l. de action.  
l. 11. §. 1. de act. empt. actionibus enim his non tantum id per-  
sequimur, quod in obligationem expressè est deductum,  
sed quod alterum alteri ex bono & æquò præstare oportet.

Th. XIV.

Empti Actio competit Emptori soluto  
pretio (a) adversus Venditorem ad rem  
(b) præcisè (c) tradendam (d) & vacuum  
(e) Possessionem præstandam.

(a) Quoniam contractus ab emptore velut indigente re  
empta cœpisse censetur, æquum est, ut is acturus à sua parte  
contractum impleverit solvendo pretium & quidem totum  
l. 13. §. 8. de act. empt. vel alio modo satisfecerit l. 5. de contr.

C

empt.

*apc.* vel fides ei à venditore sit habità; aliàs enim semper exceptione non soluti pretij repellitur. (b) Et quidem si res corporalis, vera fiat traditio: Si incorporalis, quasi traditio seu cessio in iuribus emptis; & cautio quâ venditor caveat, per se non futurum, quò minus emptor re ista utatur l. 3. §. 2. b. r. Res autem tradatur cum omnibus adhaerentibus: sic v. c. domo vendita etiam alienata censentur omnia terræ & muris affixa, arg. l. 44. de eviction. Sic fundo alienato venditionem fructus pendentes sequuntur l. ult. §. pen. *Que in fraud. credit. fact.* Multo magis venditor præstare tenetur fructus; qui post contractam venditionem percepti sunt §. 3. l. b. r. l. 13. C. de A. empt. *Vide quæ supra diximus ib. 7. li. c.* Sicuti autem commodà sequuntur rem alienatam, ita etiam onera: proinde emptor tributa, non solum ex eò tempore, quo ipse rem possidet, sed etiam reliquâ; quæ anteriores possessores insoluta reliquere, exsolvere cogitur, per. l. 2. C. sine censu vel reliq. fund. compar. Fiscus enim jure suo sequitur possessorem rei, nec curat conventiones inter privatos intercedentes, & in tributis non tam personæ, quàm prædia conveniuntur l. 7. de publican. & vectig. l. 3. C. de annon. & tribut. *Vide Cujac. w. in dict. tit. C. Sine censu vel reliq.* Deniq; rem talem tradat necessè est, qualem esse tempore contractus prædicabat; quod nisi fiat, Edictò Edilitiò deceptis emptoribus succurritur l. 1. §. 2. de Edilit. Et licet, vel enim agunt actione Redhibitoriâ adversus venditores ad rem vitio affectam restitutio pretiò recipiendam; vel actione Æstimatoriâ seu Quanto minoris ad tantum pretij restituendum, quantum minoris propter vitium; cum veniret, fuerit. Si verò post contractam venditionem res damno affecta fuerit, disting. vel enim mora circa traditionem est tantum in Emptore, & venditor tenetur saltem de dolo l. 17. l. 5. de peric. & comm. rei vend. Vel est tantum in venditore, & tum præstat dolum, latam & levem culpam l. 13. §. 16. de act. empt. (c) Nam præstando interesse non liberatur, per. l. 6. C. de rescind. vend. l. 50. de act. empt. ibi compellitur. l. 11. §. 2. eod. ibi oportet. l. 46. eod. cogitur. §. 2. J. de donat. Ipsa enim res, non factum est in obligatione. Leges, quæ nobis videntur

fur contrariæ, ut l. 1. D. G. l. 4. G. 10. C. de act. empt. vel sunt accipienda de casu; quo emptor agit ad rem, & præterea ad id quod interest; rem iusto tempore traditam non esse: Vel quò emptor mavult sibi præstari interesse; vel quò venditor facultatem rei tradendæ non habet. Excell. Dn. Pras. dist. velis. tb. 4. lit. C. Frantz. Exerc. ii. Quæst. i. Ricmer. dec. 10. q. 9. (d) Et si venditor sit dominus; transferat dominium in accipientem: Si non, causam usufructuendi; non enim præcisè cogitur rem emptoris facere l. 25. §. i. de contr. empt. Sed tantum, ut ei tanquam domino habere liceat. Quod si tamen res nondum usufructu a domino evicta fuerit, venditor tenetur de Evictione l. 11. §. 2. de act. empt. Singularia quædam de evictione rerum in eorum orationem vide apud Cujac. w. 10. de hered. G. act. vend. Wesenb. w. eod. (e) Ne enim emptori impediatur usufructus, necessè est, ut alius neq; detineat, neq; possideat l. 25. de usufructu.

294

XV.

Venditi Actio competit venditori contra emptorem ad pretium dandum (a) cum usuris (b) post moram.

(a) Dari verò pretium adeò necessè est, ut etiam si res tradita sit, non tamen acquirat eam emptor, priusquam pretium solverit, nisi aliò modò satisfecerit, veluti expromissore, Fideiussore, aut pignore dato; vel venditor fidem ejus secutus fuerit §. 41. f. de rer. divis. Si verò non sit tradita, ut tradere insoluto pretio venditor non teneatur. Dare autem pretium, est venditorem ejus dominum facere §. 14. f. de action. id quod præstare emptor est obligatus l. 11. §. 2. de act. empt. Neq; enim in pecunia, utpote re fungibili & generis tale quid obtinere potest, quod secundum th. præ. lit. d. in re debita in specie observatur. (b) Scil. à die traditionis: quod utiq; iustissimum est; cum interim emptor fructus rei venditæ lucretur,

venditore & pretio & recarente l. 13. C. b. t. Tantum

de amplissima Emptionis, Venditio-

nis materiâ!

Præ-

*Præstantissimo Dn. Respondenti,*  
**SUO**

*De Emptione- Venditione disputanti,*

**Q**uam tibi firmus adest animi consensus & ardor,  
*KUNDTREICH*, ut veniat rectinenda scientia Juris?  
*Nec spes vana subest. Nam se Themis ipsa sacrata*  
*Difficilem non præbet ei, qui Mentis alumus*  
*Possessorq; bona est, facileq; assentit ementi.*  
*Tu precium sudando paras, studioq; tenaci.*  
*Et plura ingenio spondes, majoraq; vulgo;*  
*Hinc mercem egregiam Juris, propriamq; tenebis.*

**Gottfriedt Suevus D.**

*Eximio Dn. CHRISTOPHORO Rundenreich/ Fautori*  
*ac Amico meo suspiciendo.*

**Q**uem quondam ad celebres ripas, Academia, Varni  
experta est artes cum sedulitate colentem,  
non trahit ignavam captata per otia vitam;  
sed totus Phœbi est, capturnq; hinc gnaviter urget,  
Cernitis ut studij jam publica signa ministret,  
Dum juris nodos ac legum ænigmata solvit,  
Mercator veluti longe lateq; paratas  
extrudit tandem multo cum fœnore merces,  
sic & CHRISTOPHORUS, quas cum sudore paravit  
exponit nobis merces, laudemq; meretur.  
Det Deus ut studium hoc ipsi bona plurima præstet,  
Ut ferat hinc Res priva suum, Res publica fructum.

*L. m. feci*

**M. Andreas Lölhevvel Reg: Prof.**

**F I N I S.**